



An Bhruiséil, 4 Nollaig 2023
(OR. en)

15210/23

IXIM 210
CRIMORG 177
ENFOPOL 478
ENFOCUSTOM 143
JAI 1445
N 98

GNÍOMHARTHA REACHTACHA AGUS IONSTRAIMÍ EILE

Ábhar: CINNEADH CUR CHUN FEIDHME ÓN gCOMHAIRLE maidir le cinneadh, faoin dara fomhír d'Airteagal 8(10) den Chomhaontú idir an tAontas Eorpach agus an Íoslainn agus an Iorua ar chur i bhfeidhm forálacha áirithe de Chinneadh 2008/615/CGB ón gComhairle maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac agus Cinneadh 2008/616/CGB ón gComhairle maidir le cur chun feidhme Chinneadh 2008/615/CGB maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac, agus an larscríbhinn a ghabhann leis, an dáta óna bhféadfaidh na Ballstáit sonraí pearsanta a bhaineann le sonraí DNA, sonraí dachtalascópacha agus sonraí clárúcháin feithiclí a sholáthar don Iorua

CINNEADH CUR CHUN FEIDHME (AE) 2023/... ÓN gCOMHAIRLE

an ...

**maidir le cinneadh, faoin dara fomhír d’Airteagal 8(10)
den Chomhaontú idir an tAontas Eorpach agus an Íoslainn
agus an Iorua ar chur i bhfeidhm forálacha áirithe de Chinneadh 2008/615/CGB
ón gComhairle maidir le dlús a chur le comhar trasteorann,
go háirithe chun an sceimhlitheoireacht agus an choireacht trasteorann
a chomhrac agus Cinneadh 2008/616/CGB ón gComhairle maidir le cur chun feidhme
Chinneadh 2008/615/CGB maidir le dlús a chur le comhar trasteorann, go háirithe chun an
sceimhlitheoireacht agus an choireacht trasteorann a chomhrac, agus an Iarscríbhinn a
ghabhann leis, an dáta óna bhféadfaidh na Ballstáit sonraí pearsanta a bhaineann le sonraí
DNA, sonraí dachtalascópacha agus sonraí clárúcháin feithiclí a sholáthar don Iorua**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

**Ag féachaint do Chinneadh 2010/482/AE ón gComhairle an 26 Iúil 2010 maidir le tabhairt i gerích
an Chomhaontaithe idir an tAontas Eorpach agus an Íoslainn agus an Iorua ar chur i bhfeidhm
forálacha áirithe de Chinneadh 2008/615/CGB ón gComhairle maidir le dlús a chur le comhar
trasteorann, go háirithe chun an sceimhlitheoireacht agus an choireacht trasteorann a chomhrac agus
Cinneadh 2008/616/CGB ón gComhairle maidir le cur chun feidhme Chinneadh 2008/615/CGB
maidir le dlús a chur le comhar trasteorann, go háirithe chun an sceimhlitheoireacht agus an
choireacht trasteorann a chomhrac, agus an Iarscríbhinn a ghabhann leis¹, ,**

¹ IO L 238, 9.9.2010, lch. 1.

De bharr an mhéid seo a leanas:

- (1) Leis an gComhaontú idir an tAontas Eorpach agus an Íoslainn agus an Iorua maidir le cur i bhfeidhm forálacha áirithe de Chinneadh 2008/615/CGB ón gComhairle maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac agus Cinneadh 2008/616/CGB ón gComhairle maidir le cur chun feidhme Chinneadh 2008/615/CGB maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac, agus an Iarscríbhinn a ghabhann leis (an ‘Comhaontú’), foráiltear do chomhar cómhalartach idir údaráis inniúla forfheidhmithe dlí na mBallstát, ar thaobh amháin, agus na hIorua, ar an taobh eile, a bhaineann le malartú uathoibrithe shonraí DNA, sonraí dachtalascópacha agus sonraí clárúcháin feithiclí. Mar réamhriachtanas don chomhar sin, ní mór don Iorua na bearta cur chun feidhme is gá a dhéanamh ar dtús agus ní mór don Aontas meastóireacht agus triail phiolótach.
- (2) Tá an Comhaontú ina cheangal ar an Aontas agus ar a Bhallstáit de bhua Chinneadh (AE) 2010/482, Cinneadh a bhfuil Airteagail 82(1)(d) agus 87(2)(a) den Chonradh ar Fheidhmiú an Aontais Eorpaigh (CFAE) ina bhunús dlí substainteach aige.

- (3) I gcomhréir le hAirteagal 8(9) den Chomhaontú, ní sholáthróidh na Ballstáit sonraí pearsanta dá bhforáiltear faoin gComhaontú sin go dtí go mbeidh forálacha Chaibidil 6 de Chinneadh 2008/615/CGB¹ ón gComhairle curtha chun feidhme i ndlí náisiúnta na hIorua. Chun a fhíorú an amhlaidh cás na hIorua, déanfar cuairt mheastóireachta agus triail phíolótach i leith na hIorua, cosúil leo sin a tugadh i gcrích i leith na mBallstát de bhun Chaibidil 4 den Iarscríbhinn a ghabhann le Cinneadh 2008/616/CGB ón gComhairle².
- (4) Leis an dara fomhír d'Airteagal 8(10) den Chomhaontú, tugtar cumhachtaí cur chun feidhme don Chomhairle d'fhonn an dáta nó na dátaí óna bhféadfaidh na Ballstáit sonraí pearsanta a sholáthar don Iorua de bhun an Chomhaontaithe a chinneadh.

¹ Cinneadh 2008/615/CGB ón gComhairle an 23 Meitheamh 2008 maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac (IO L 210, 6.8.2008, lch. 1).

² Cinneadh 2008/616/CGB ón gComhairle an 23 Meitheamh 2008 maidir le cur chun feidhme Chinneadh 2008/615/CGB maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac (IO L 210, 6.8.2008, lch. 12).

- (5) An 17 Samhain 2021, chuir an Chomhairle chuig an Iorua ceistneoirí a bhaineann le cosaint sonraí agus malartú uathoibríoch sonraí DNA, sonraí dachtalascópacha agus sonraí clárúcháin feithiclí. An 15 Meitheamh 2022, chuir an Iorua a cuid freagraí ar na ceistneoirí a bhaineann le cosaint sonraí agus malartú uathoibríoch sonraí DNA ar fáil don Chomhairle, agus an 17 Samhain 2022 chuir sí a cuid freagraí ar na ceistneoirí a bhaineann le malartú uathoibríoch sonraí dachtalascópacha agus le sonraí clárúcháin feithiclí ar fáil di. An 16 Meán Fómhair 2022, cuireadh na freagraí a bhaineann le cosaint sonraí faoi bhráid na Comhairle. An 10 Samhain 2022, cuireadh na freagraí a bhaineann le malartú uathoibríoch sonraí DNA faoi bhráid na Comhairle, agus an 1 Nollaig 2022 cuireadh na freagraí sin a bhaineann le malartú uathoibríoch sonraí dachtalascópacha agus sonraí clárúcháin feithiclí faoi bhráid na Comhairle. Ina dhiaidh sin, tugadh na freagraí sin don fhoireann measúnaithe fhreagrach.
- (6) An 9 go 10 Márta 2023, rinneadh meastóireacht ar an Iorua maidir le sonraí DNA agus sonraí dachtalascópacha a chuardach agus a chur i gcomparáid le chéile. An 27 go 28 Aibreán 2023, rinneadh meastóireacht ar an Iorua maidir le sonraí clárúcháin feithiclí a chuardach agus a chur i gcomparáid le chéile.
- (7) Tráth a rinneadh na meastóireachtaí maidir le sonraí DNA, sonraí dachtalascópacha agus sonraí clárúcháin feithiclí a chuardach agus a chur i gcomparáid le chéile, rinne an Iorua, in éineacht leis an Ostair, triail phíolótach rathúil le haghaidh gach ceann de na meastóireachtaí sin.

- (8) An 15 Bealtaine 2023, cuireadh tuarascáil fhoriomlán mheastóireachta, ina ndéantar achoimre ar thorthaí an cheistneora, na gcuartheanna meastóireachta agus na trialach píolótaí, faoi bhráid na Comhairle. Ba é ba chonclúid don tuarascáil mheastóireachta go bhféadfaí a mheas gur cuireadh cur chun feidhme an fheidhmchláir uathoibrithe sonraí agus an tsreafa faisnéise uathoibrithe a bhaineann leis sin i gcrích go rathúil san Iorua, ar an leibhéal dlíthiúil agus ar an leibhéal teicniúil araon.
- (9) Ós rud é gur chomhlíon an Iorua na coinníollacha a leagtar amach in Airteagal 8(9) den Chomhaontú, ba cheart an Iorua a bheith i dteideal sonraí pearsanta a fháil de bhun an Chomhaontaithe.
- (10) Tá an Comhaontú ina cheangal ar Éirinn de bhua Chinneadh (AE) 2010/482 agus dá bhrí sin tá sí rannpháirteach i nglacadh agus i gcur chun feidhme an Chinnidh seo, lena gcuirtear an Comhaontú chun feidhme.
- (11) I gcomhréir le hAirteagail 1 agus 2 de Phrótacal Uimh. 22 maidir le seasamh na Danmhairge, atá i gceangal leis an gConradh ar an Aontas Eorpach agus leis an CFAE, níl an Danmhairg rannpháirteach i nglacadh an Chinnidh seo agus níl sí faoi cheangal aige ná faoi réir a chur i bhfeidhm,

TAR ÉIS AN CINNEADH SEO A GHLACADH:

Airteagal 1

Chun cuardach uathoibrithe agus comparáid a dhéanamh ar shonraí DNA, ar shonraí dachtalascópacha agus ar shonraí cláraithe feithiclí, féadfaidh na Ballstáit sonraí pearsanta a sholáthar don Iorua de bhun an Chomhaontaithe idir an tAontas Eorpach agus an Íoslainn agus an Iorua ar chur i bhfeidhm forálacha áirithe de Chinneadh 2008/615/CGB ón gComhairle maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac agus Cinneadh 2008/616/CGB ón gComhairle maidir le cur chun feidhme Chinneadh 2008/615/CGB maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac, agus an larscríbhinn a ghabhann leis ón 1 Eanáir 2024 ...

Airteagal 2

Tiocfaidh an Cinneadh seo i bhfeidhm an 1 Eanáir 2024.

Arna dhéanamh in/sa ...,

Thar ceann na Comhairle

An tUachtarán
